

Get-Together – il grond final: open air sin la Piazza federala

■ **Dumengia, ils 15 d'avust 2010, ha lieu sin la Piazza federala a Berna la gronda festa finala dal project Get-Together, inscunter da las linguas. La festa è il punct culminant suenter che giuvens creschids èn viandads durant tschintg emnas atras las quatter regiuns linguisticas da la Svizra.** Ils 12 da fanadur èn duas gruppas partidas a Chancy respectivamain a Müstair per perseguir il fenomen da la quadrilinguitad e per scuvrir da nov la

multifariadad da la Svizra. Nundumbraivels kilometers, territoris maltransibels, cundiziuns dad aura strusch supportablas, dis da project plain tensiun ed inscunters spontans – tut quai è stà part da las quatter emnas Get-Together da fin qua. La dumengia passada èn las duas gruppas s'inscuntradas ad Engelberg per cuntinuar comunablamain l'ultima emna da viadi. Questa emna maina ils participants en il cor da la Svizra: a Berna. Là ha lieu du-

mengia proxima la gronda festa da las linguas sin la Piazza federala. Tranter las 10.00 e las 22.00 uras vegnan divers concerts, respresentaziuns, workshops e spezialitads culinarias da tut las parts dal pajais a demonstrar anc ina giada tge che la plurilinguitad munta en Svizra.

Elements tradiziunals e moderns

da las differentas regiuns vegnan a porscher a tut ils interessads in program varià sco quai ch'igl è mo pussaivel en Svizra. Al pled uffizial dal director da l'Uffizi federal da cultura suonda in lavuratori da beat-box manà dal duo Knackeboul & Cookie the Herbalist. Suenter in viadi musical en la Svizra romanda ed en il Tessin fan lura las Liricas Analas, ils electro-hipoppers dal Grischun, anc ina giada stremblir la piazza cun lur rimas rumantschas. L'entrada è libra ed envidads èn tut quellas e quels che vulan viver la cultura linguistica da la Svizra e che vulan festegiar. En l'aggiunta da questa comunicaziun retschavais Vus il program per la festa finala sco er insaquantas impressiuns dal project. En cas da dumondas stain nus gugent a disposiziun.



Trais participonts dal project inscunter da linguas.

MAD

Olivier Nyffeler